

聖朝新政要略

崇禎新政紀卷十卷不知何人所輯以天啟
之閒舉朝皆奄黨矣所云參魏忠賢劾崔



皆奄黨圖自殺之術非愚魏崔也此時雖充齊在
斧扆亦不過瓦金雷鳴而已有何可採之章疏則
輯此者亦奄黨也故每於清右遂業之語輒評
黃圓點之獨倪鴻寶世界已清方隅未化一疏但
錄旨意而不加甄錄則此言之無一可取亦可知
矣愚直醜正賓繁有徒以崇禎間愚之君身當其
際又孰知正味哉宜乎轉去轉遠卒以杜勸而化

濟為心腹而後已死病無良醫詎不信耶置此
於坐間若妖魅呈形不用照妖之鏡矣
光緒十九年七月望前一日一癡道人

序

今上一御極而大熟以除衆正
以興乾坤為之一清日月為
之重朝否轉為泰參復晦
塞之多剥極而後乃見天地

序

之三一

者天下人人爭額一

諭之須在謳歌窮思虞帝云
聖其格天協帝儲之陶漁耕
稼之初闢門以目以麾試

被犯之後若先生知亦不
思不勉亦有如予

皇上者如一時新破匈奴世
以為楷模臣謹論似羣鳳以
爭鳴願

序

綸綪之令五申正使迷出互覘
何妨璧生璣馳而奏章動若
子言尤湏剛繁就簡便覽閑
門山見遂加編次敍付棗梨
道長道消之機真一目了

抱萬平云風其跂
足以俟

外史氏識

新政紀略凡例

○一近刻有太平洪業止載十疏
清朝聖政亦多未備是編極簡而盡一日無餘依次
續刻逐日增補

○一是編翻閱邸報備錄

聖天子新政有關親賢遠奸一切大朝常悉紀其略以
備參考 該名紳章疏間或指摘其喫緊語以醒
人目更無一字添入

○一是編以天啟七年十月通政楊公侍御楊公學
新政紀畧

院賓公疏參為始一依編年體格逐日記去其上
疏得

旨日期參差亦是報本有訛耳

。一是編或有疏無旨有旨無疏以金陵邸報
原多未備無從查考

。一是編有撮取要領接續成文者有採其疏中大
意者有採其條呈諸目者有闡列薦舉糾參名姓
者

。一是編疏章關係起用廢臣及屏逐奸邪者俱得

臚列餘陞大計年例不悉載

○一附載初參魏客疏章及近日鑑部訪單違謫姓名于後

○一是編依卽報相連紀錄俾

清朝新政凡我父老子弟皆得備聞

○一他刻僅止天啟七年冬月未覩其全茲備錄目
前近事撮其最精要者採取其畧凡有闡繫者並
無遺漏

聖朝新政要略卷之一

天啟七年十月十五日

今上皇帝於天啟七年八月二十四日

登極伏覩

皇上聰明天縱仁孝性成朝常典禮壹遵

祖制中外臣民業已欽仰

聖天子堯羹堯舜度越千古矣第是時逆璫虐焰未
熄虎穴未離內操中樞把握兵柄雖九列臺省素

懷忠憤然猶惴惴不敢擅開釁端有原任都給事
新故紀畧 卷一

陞南通政楊所修首參兵部尚書崔呈秀工部尚
書李養德延綏巡撫朱重棠少卿陳殷奉情事益
皇上即位之初即首隆

聖母徽號居然以孝治天下乃自古求忠臣必于孝
子之門且袁紹視事殊為不祥矧方今

三殿告竣邊事稍寧亦安用此不忠不孝之臣為哉
所當速令回籍守制以光新政者也 奉

聖旨楊所修如何率意輕詆使大臣不安其位姑不
究該部知道自是權奸崔呈秀等亦以守制次第遣里而親賢遠奸之路自此闢矣

十月二十一日

○雲南道御史楊維垣為朝野望治方殷權臣欺擅
久著今據實直糾以贊聖明更始之政事蓋莫盛
於唐虞而四凶終免未去必至舜始放流誅殄之
竊見兵部尚書崔呈秀立志卑污居身穢濁初以
淮揚巡方敗事輿論一時稱快及

大行皇帝召環奴顏婢膝趨向愈下上言大臣德政
律有明禁何況內禁臣呈秀乃首先違之門如市闈
如鬼用吳淳夫論舊輔馮銓而部郎以數月躋卿
新政紀畧

貳矣越資用倪文煥掌河南道而言厥臣非文煥不可誣丘志充而嫁禍於禮部尚書李思誠矣至病痊起廢之李應薦亦列賜環之中前往掌道張汝懋寔為優容又未幾以其弟凝秀為浙江總兵曾有兄為本兵而弟握兵權於外者乎種種欺君誤國不可枚舉最可異者三殿工程吉祥善事軍旅鑿山而出者不同呈秀以不祥之人經理其間經營甫畢

先帝退升未必不由於此臣與同朝所共慮者不止

此也當

大行皇帝崩逝之日百官聞

皇上將御文華殿急自乾清宮趨出忽有數內臣急
招呼兵部尚書崔密來聞者莫不錯愕所言公當
與衆公言之天下事豈呈秀一人所可私與者言
及此又不覺寒而竦矣總之

先帝信任敵臣甚專而敵臣亦敢攷竭力任勞任怨
以圖報稱獨是誤信呈秀一節而呈秀又交結敵
臣主掌求而敵臣未之知耳且內諛敵臣外擅朝
折枝兒是

政又有吏部無肯大臣周應秋專與朋奸而其穢
狀不可勝道也懇乞

皇上處分或急正兩觀之誅或薄示三褫之典或聽
其回里守制從前高爵美廕儘足酬其因人成事
之微勞而及今擁名娼據金穴亦足暢邇其衣錦
食稻之志矣珍窮亮而憇輿望在

皇上固自能為新政計也初得

旨楊維垣如何率意輕詆念朕臨御之初優容言路
姑不深責

○雲南道御史楊維垣為臣言一字非誣權臣誣辭
無據謹再疏相質以聽 聖鑒事崔呈秀鳬城犯
社上竊

先帝之威靈蒙面喪心下欺天下為聾啞殘影愚者
誰不欲食其肉而寢處其皮乎除吳淳夫倪文煥
另疏剖析惟呈秀首辨者通內一節呈秀既嘗大
工時與廠官周旋時時稱功頌德私密之處更復
備極醜態凡求拜于廠臣呈秀尸其德凡怠于仕
進者無不奔走其門此明白彰著非止鼠竊行徑

已也故當楊左之時人皆以不參廠臣為非當呈
秀之時人又以不譽廠臣為罪不為呈秀所惑者
滿朝不過數人而已然廠臣公而呈秀私廠臣不
愛錢而呈秀貪廠臣尚知為國為民而呈秀惟以
招權納賄為事丘志充事敗露以王家棟死而浩
口無矣至張元芳之改銓乃選司為所驅使耳總
之呈秀名節掃地乞卑賤罷斥職等實羞與之同
朝也

十月二十三日

西漢春秋集錄。

直隸提學御史賈繼春奏為聖明御極言路宏開
直糾不忠不孝之臣伏乞 聖斷以光新政事人
臣立朝事君惟忠與孝忠者潔己奉公砥名義以
奉一人孝者明倫盡禮敦人紀以篤天性兵部尚
書崔呈秀狐媚為生狼貪成性以聽勘御史未及
二年驟升官保賣官鬻爵家累百萬種種貪淫穢
跡難以枚舉堂堂威朝當邊塵少淨之時而必藉
才于苦塊方新之人吏部娓娓擁戴知有佞而不
知有君呈秀罔罔喪心知有官而不知有母豈有

三綱廢絕人禽不辨而望以安攘之獻可責以君
父之義者乎至若因吉以二載曾郎而尚書極品
單明翊以作令不踰幕而督撫侍郎此真笑破士
紳之口也

十月二十四日

○工部都水司主事陸鰲為恭應明詔直陳利弊事
內列四款一曰正士習臺省庶僚不聞靖共爾
位惟日以稱功頌德為事至疏奏不敢明言忠賢
姓名以盡廢若前臣名之禮舉之以皋夔尊之以

周孔等王莽稱功德者至四十八萬人士大夫首
上建祠之疏以致市蠹儒暴在在效尤木匠夫頭
俱為鄉貳內臣總理庫藏使戶工二部司官羅拜
堂下成何體統 一日糾官邪近來言官緘默置
奸佞于不問如兵部尚書崔呈秀貪婪無恥罄竹
難盡臺臣楊所修略悉其概初以御史監工帶左
都銜今又以樞貳不棄舊銜母非砍惜總憲以彈
塵言官且奪情之制原以墨縗視事況

大行皇帝在璣百官猶且素服而呈秀紅袍玉帶坐
新政紀善 卷一 六

明轉入衙門是可忍也孰不可忍也 一曰安民
生欲安民生在慎刑罰今立枷之設罪未足而三
四日內命已絕矣且一經厥衛捕風捉影嚴刑酷
拷遂無生理 一曰足國用大工興造搜括靡遺
生祠廣建費不下百萬及今變價尚可得數千萬
金伏乞勅下所司施行

十月二十五日

○兵部主事錢元憲奏為 聖政維新羣陰見曉謹
陳一得以消疵慝以息紛囂事臣嘗讀詩經假樂

之章曰百辟卿士媚于天子乃適年以來不媚天
子而媚權璫以至僕廝賤隸寅緣扳擣立躋要路
玷列卿貳朝署常伯有續貂之誚爛羊興闢內之
誰綱維既隳廉恥日喪于是有敗倫犯義傷壞名
教如呈秀者夫呈秀之敗于貪橫無忌皆緣籍敵
臣魏忠賢今呈秀雖去而忠賢猶存威權所在羣
小蟻附極重之勢漸成難返稱功頌德布滿天下
幾如王莽之妄引符命列爵三等畀于乳臭幾如
梁冀之一門五侯遍列私人分置要津幾如王衍

之狡兔三窟與珍華寶戲積肅寧幾如董卓之郿
鳩自固動輒傳音鉗制百僚幾如趙高之指鹿
為馬誅鋤士類傷殘元氣幾如節甫之鉤党株連
陰養死士陳兵自衛幾如桓溫之壁後置人廣開
告訐道路以目幾如則天之羅鉗吉網彼魏良卿
革既非開國之勳又匪從龍之寵安得玷茲茅土
從此臭草亦宜速令解組至如告訐獲賞之張體
乾鍛練驟貴之楊震夫頭乘轎之張凌云奉委閭
棍之陳大同號稱長兒之田爾耕寧國契交之白

太始龔翼明等與凡牙爪鷹犬俱令廷臣明正其
罪令奸党清齋人情安士氣振從此平臺燭闇不
時宣召大臣軍國利弊臣下咸得面陳俾假托者
無所售其奸而上下血脉常流矣奉

聖旨這本說崔呈秀等朕自獨斷已有旨了錢元憲
小臣如何又來多言姑不究該部知道

○直隸提學員繼春奏為 聖鑒新天聞羣情踴躍敬
陳時政之急伏乞

皇上神明洞曉自為社稷大計事 一日保令躬食
新政紀畧 卷一 八

息起居之處時存睥睨非意之防深宮邃密之中
亦懷跬步弗謹之念二日正疏體上下自有哉
然冠履之分善則歸君百官之文頃厥臣已堪食
不下咽天無二日匪類之尊稱上公更為語不擇
音三曰重爵賞師傅乃二百餘年不敢止之席
黃口子未可驟膺公侯伯之爵乃

二祖以後不多見之封典四曰畏名義交結原有
明禁况假子親父之稱兒童走卒共述何以施眉
目于人間晉接自有禮儀若小帽青衣之見朝野

中外共聞何以別簪紳于蠟息 五曰 謂職業門
戶封畛誠不可不破奈何不問源委資格階級誠
不必盡拘奈何不顧防維以付粉之衣冠作媚文
承懽之賞 六曰 罷祠費祝厘遍峩宇如狂如沸
何故費巨億之資丹堊還喬門擬聖擬神遂欲並
宣尼之祀 七曰 開言路

祖宗設言官責以指示奸佞青蒲可伏高墉可射宣
袖手所得旁觀近日列在糾彈迫于隅處之勢焰
難為梧鳳之諧鳴則壘蔽亦可念也 八曰 稽廢

臣

先帝創惩頗僻原非阻其自新各有本末各有生平
平宜清時所忍禁錮則幽遐亦可悲也以上八款
皆時政之膏肓至于倚草附木輩則昭昭天下之
耳目聽彼自知之而自裁之予以振聖朝之威靈
權奸之擁戴也奉

聖旨提衡道法必飭朕躬是社稷大計本內事情朕
自獨斷已有旨了

並景祥可據河。兵科許可征為清議自明匪人既遠乞 聖明盡
南討伐人某科

兵部副都御史

用直言早賜處分以省議論以臻平康之治事魏忠賢罪在三誣重封生祠廣建傾動天下至舉朝不敢論事此猶曰非士大夫知禮義也崔呈秀受國厚恩而狡惡不仁因緣為奸中外影響張勢弄權狼如狼虎今呈秀去矣其弟崔凝秀尚可總兵于浙江彼兄弟濟惡並食美官忍置母柩不顧何異于檮杌饕餮宁奉

聖旨崔呈秀着該部叅看來說

十月二十六日

新政紀畧

卷一

七

○山東道御史吳尚默為賊臣之身已去賊臣之患
未暴謹僂一時 國政以定罪案事伏覩

皇上冲聖御極首允樞臣崔呈秀之去此與孔子兩
觀之殊何異呈秀鬻身與援之門入賓闈寺之幕
煖爐者每假大柄以作威作福而呈秀復假其所
假樹叢者猶盜大柄以攘功而呈秀復盜其所盜
凡負罪謹而獲免者未有不夤緣于呈秀而免者
凡邀顯擢而詭得者未有不夤緣于呈秀而得者
黃金白銀未厭而羅奇珍以進美珠寶玉未厭而

布麗姬以獻橫開奔競之門廣肆苞苴之賓顛倒
任意翻覆在乎以推擢會推題差被處者不知幾
許人人稱功頌德習為固然恬不知恠天下幾不
知有廉恥一時緘口結舌習為容容以苟免于禍
天下幾不知有名節人人重足而立側目而視天
下幾不知有名節人人重足而立側目而視天
臣朱童蒙相繼以奪情留天下幾不知有名母一
部幾尚書一院四憲臣天下幾不知有名位之秩
又其甚者當

先帝不豫中外彷徨人且咷咷論功陞賞為飭喜之
舉至危幾一諭易資且及明知不親政務不問黜
陟乃懸^也章累牘頒爵賞而列封廕而羣臣謝恩之
日即

先帝賓天之日天下幾不知有改革之大故矣此以
定賊臣之罪案而厥臣魏忠賢之功業亦可覆聞
列爵惟五而三據之茅土侈于一時此尸祝而彼
俎豆廟食遍于天下或從賊臣以問厥臣能無覩
顧愧心乎奉

聖旨崔呈秀已有旨了廠臣魏忠賢事各官不必牽扯該部知道

○承天守備太監李

自陳不職准回京閑居

○南京守備太監楊

自陳不職准回京閑居

○太和山太監馮玉自陳不職准回京閑居

自陳不職准回京閑居

○天壽山太監孟進自陳不職准回京閑住

十月二十七日

○浙江嘉興縣貢生錢嘉徵一本奏為請清宮府之

禁以肅中興之治以培三百年士氣事切見權奸
新政紀畧 卷一

肘腋道路寒心如東廠太監魏忠賢可容一日追
四凶之誅竄魑魅之投畀哉 一曰竝 帝夫

大行皇帝龍飛在御天無二日而阿附諸臣凡有封
章必先闢白忠賢至頌誇功德必以上配

先帝及奉俞旨必曰朕與廠臣從來有此奏體否此
滔天之罪一也 二曰蔑 后夫

大行皇帝之中宮天下臣民之母后也 皇親張國
紀未嘘不敵之條聞

先帝令忠賢宣 皇后而忠賢滅旨不傳致 皇后

當

先帝御前折逆權奸遂羅織 皇親多方欲致之死
賴

先帝仁明祇膺薄譴不然幾危中宮滔天之罪二也

三曰弄兵

祖宗朝不聞有內操之制忠賢外脇臣民內逼宮闈
操刀割刃砲石雷擊謀圖不軌賴

九廟有靈潛消睥睨滔天之罪三也 四曰無

二祖
新政紀畧
列宗伏讀

卷一

十三

高皇帝垂訓中消不許干預國政蓋鑒前代之失垂
後來之戒至法程也乃忠賢軍國重事一手障天
立仗之馬必叱吠堯之犬必庸眉毒縉紳株連士
類凡錢谷衙門邊腹重地漕運咽喉多置腹心意
欲何為滔天之罪四也 五曰魁刺 藩封夫桐
封大典皆金枝玉葉自宜從厚以體
祖宗之心以光

先帝孝治者也今三藩一時之國其庄田賜資合三
藩不及福藩之一而忠賢封公侯伯之田土揀選

青腴不下萬頃是

祖宗本支百世之親反不若一豪悍之衆奴滔天之罪五也 六曰無聖夫 至聖先師為萬世名教主配天而享太牢雖歷代帝王踐祚必先躬親釋奠忠賢何人而敢建祠太學之側寶逼處此以力踞之餘孽而擬洙泗之俎豆八月二十一日陸萬齡等起工營祠而

先帝違以次日償天亦可為凜凜矣滔天之罪六也

七曰濫爵夫非軍功不候古制凜然
新政紀畧 卷一

祖宗冊封公者除魏國定國英國黔國成國外雖開
平津蹟亦止封侯今忠賢竭天下物力佐成三殿
工至激變江南幾成斬木揭竿損朝廷威望而公
然襲上公之封覲不知省滔天之罪七也 八曰
掩邊功自奴首犯順以來墮名城俘士女殺大將
神人共憤今未恢尺寸地即錦寧之捷差強人意
袁崇煥舒十年未雪之憤而忠賢虛冒邊功封公
封侯封伯假使遼陽廣寧間鐵復歸版籍又何以
酬忠賢功乎且文武諸臣出死力以悍國忠賢居

樽俎以冒賞致豪傑短氣滔天之罪八也 九曰
賤民夫國課歲額不過四百九十萬況經連年水
旱東西交証或流離或哨聚以致仰屋司農泣告
水府而天下之請建祠百餘所計一所之費不下
三萬金是豈四民所樂輸皆阿附之奸換門敲刺
而出之者鄭俠之圖可憐楊雄之頌日上即此靡
費之金錢孰非國家之膏血滔天之罪九也 十
曰通同關節設科取士而揭榜在二十六折卷在
二十四日為忠賢所私者貼出三名復上賢書賓

緣要結不可勝數此下第之劉蕡籲天叩闕冀援
祖宗朝考官劉三吾等故事翹首

皇上覆試而達巡躊蹰者滔天之罪十也凡此十惡
有一于此駢首夷族况種種無法無天社傭蠹養
叨世襲于皇家乾兒廢子濫襟裾于紳族魏撫民
以乳臭而班冠六堂田爾耕武弁而富過公室試
詢忠賢彌留之旨何人偽傳大府之歲何故若拂
其何說之詞罄南山之竹不足書其奸決東海之
波難以洗其罪伏乞

皇上獨斷於心。勅下法司將忠賢明正典刑以雪天下之憤以彰正始之治臣自知冒觸凶鋒勢同壓卵願將一介微命仰荅涓埃使後世讀史者謂聖主當陽有敢言之士萬死何辭焉

皇朝南人天監錄。○有士錢嘉徵又一本奏核通政呂圖南身受恩惠職司嘆舌乃不顧清議阻塞言路多少忠言被其理沒律以邀裁責封不即引奏之罪夫復何辭奸狡如圖南良心已死更乞

聖明裁察焉奉

新政紀畧

卷一

十六

聖旨魏忠賢事體廷臣自有公論朕心亦有獨斷青
衿書生不諳規矩本當重處姑饒一遣

○通政司呂圖南又一本罪狀久明事奉

聖旨呂圖南面駁陸萬齡等疏據經守正不愧納言
朕所鑒知青衿亦誠大臣成何政體本當重究姑
饒一遣

○通政司呂圖南一本貢生進言甚急事奉

聖旨覽奏內兩駁參疏心事皎然錢嘉徵所誠不足
與辨即出供職原駁二疏着封進陸萬齡等法司

究問李映日着革去衣巾以政士習

十月二十八日

○刑部員外史躬盛奏為直發欺君誤國之奸懲祈
速正典刑以光聖治事切惟上所馭下者權權不容輕假下所自安者分分不可僭踰蓋自忠賢以
聞官竊國柄而朝野竝歸決裂舉天下之廉恥漸
滅盡矣舉天下之元氣剝削盡矣舉天下之官方
紊亂盡矣舉天下之生靈魚肉盡矣舉天下之物
力消磨盡矣何謂澌滅廉恥夫賞足勸善罰足懲

新政紀畧 卷一
新 政 紀 畧

貪則廉恥生夫既羶其途以為裕復嚴其繩以鉗
嚇彼以羽毛瘡痏供條喜條怒之資人遂奴顏婢
膝効趨榮避禍之計試想今日之官僚行徑其盡
可告妻子夜不愧余影者曾幾人幾事也寧復有
廉恥耶何謂剝削元氣圖之有才品其原委則祖
宗培植之起家則科名策勵之其入仕路也則爵
祿功名鼓舞之況國家功令考核年例森然或
降或推亦宜還以應得之名目乃魏忠賢意少不
合概日久壞門戶削職為民追奪誦命閉其門戶

者何人所依者何事無論旁觀駭然即身受削奪
者亦莫不自訝其無因此不過懲坐之題陷人之
局也致令孝子傷心勞臣喪氣而寧復有元氣耶
何謂紊亂官常臣該會典嘉靖十年准兵部官推
曾按邊郵練軍務或曾任兵備等官有將略才望
者疏請簡用彼呈秀有一相合者否以一轍勘之
臺臣驟躡崇階于司馬至母死半年仍憇鷹犬于
權門任逍遙于蝶玉笑罵由人禽行自認長安三
足兒童誰不掩口而笑即如臣所知陳大同同一書

辦丘集鳳一夫頭張凌雲一夫匠頭耳而大肆鑽
黃公然間棍與九列齊驅且令一部縉紳幾成戲
苟濫觴至此良由忠賢欲自為地假朝廷之名器
借破例之私恩成其僭踰之志試問忠賢有何開

國元熟乘

先帝大漸之時急急分茅胙土眷廩列侯

列聖章程委之無用而官方卒不墮越耶何謂魚肉
生靈國家設三法司以懲不軌古之帝王必于萬
死之中求一生之路乃忠賢則有異焉廣布緝商

託名討緝彼貪功圖利者捉影捕風迨至參進刑
部而苦拷之下羅織既成肢體殘極矣大工興建
以來財用萬分告匱加派不已鑑之搜括搜括不
已而通融事例小民剜肉醫瘡當事捉襟露肘亦
自誇功戶祝而無恥之崔呈秀首上德政以建祠
之說進而海內如驚如狂較三殿之成不啻神速
真有鄭監門不盡于曾圖賈太僕難摹其痛哭者
自有忠賢以來而數百年整齊之世界翻為混濁

之世界真天下萬世之罪人也奉

聖旨魏忠賢已有旨了該部知道

十月二十九日

○禮科都給事吳弘業一本為權奸既去公論漸伸
更祈

聖明澄清仕路以增新政之光事自

大行皇帝以冲齡踐祚一切機務獨任廠臣魏忠賢
而威福漸以下移忠賢又偏聽一呈秀而是非惟
其倒置致今朝綱不礪廉恥不惜劫八柄以餌人
營三窟以謀利茲臺臣楊維垣入告竟允呈秀以

去世界頃已間矣

皇上日月之明富貴之斷徹于中外臣民之頃迷矣
獨有一無骨大臣如冢臣周應秋者即為呈秀作
買賣之人也彈射紛紜衆如允耳東銓以來非呈
秀欲用之人一推不得三四人七八人而亦不得
今

皇上一概外議點用正推亦既以用人職掌復還吏
部不知省應秋多少奔走聽探之勞第欲責其東
公持正則應秋真令人牽魂不附體已非一日所
新政紀畧 卷一

宜首罷者也今天下衆怒所歸謂折毀民居敗壞
公所逼處陵寢孔廟而太平公積者非創建生祠
耶向誰首先獻諛作此厲階者非南京兵部右侍
郎原任浙江撫潘汝禎耶夫海內稱功頌德猶以
虛詞相假借至建生祠之舉則或歛民財或扣軍
餉或損官俸或動公帑戕山震海蕩折離居使天
下怨聲飲恨敢怨而不敢言此首事之流毒即與
孫興烈陸萬齡等同律共擬亦不為過尚得醜九
列而懲遊司馬之堂耶又科場試卷弊端皆禮部

與職科覆閱之責也先是順天場事揭曉後人言
噴噴謂崔呈秀之子崔鐸只三篇半文字已貼而
復中心甚訝之及禮部取試卷送職科見其七篇
清順覺人言之未然今貢士錢嘉徵疏內一款有
帖出之語職再加磨勘見墨卷第五篇題目有空
補痕跡當日之帖出者果有名且坐此故鄭若
然外簾知之內簾未尤知也惟有覆試一法耳

奉

聖旨所奏崔呈秀事情着九卿科道從公會勘具奏
新政紀畧 卷一 主

其子崔驛着履試定奪潘汝禎首倡生祠獻媚顯
是患失鄙夫着行削籍追奪誥命以為佞臣之戒
其各處生祠撫按盡行拆毀變賣解京助邊魏忠
賢已有旨了

○戶科陝國璋上本直糾參面銓臣以重銓政事內
參吏部尚書周應秋心術曖昧性行滑熟一味罷
軟柔脆全無執持擔當自東銓以來推升不問体
資啟事但徇情面呈身權要之門盡委其職掌以

崇道黨同維持
名下注商丘叔
三弟
明史文淵閣圖書
卷六十一
嘉慶六年十一月

免

殉之焉奉

聖旨進退大臣亦闢國體這所奏知道了

○營繕司主事湯齊一本三殿完工事 奉

聖旨天生人財以幹國事分門別戶已非治體至株
連疑似殊可憫卽奏內諸臣着該部確核生平酌

量起用

○東廠魏忠賢袁病難堪事 奉

聖旨爾奉祀

先帝歷練有年殿工邊務多方措置奸釐弊風

勤勞朕所鑒知有旨懲留乃屢疏引疾求去情詞
新政紀畧 卷一 三

懇切至誠不可強准因私宅調理以成爾怙退之
美

。又一本世爵成命未收事奉

聖旨爾奉祀

先帝爵賞攸隆今退歸私宅控辭三爵具見誠懇准
改公為錦衣指揮使候改指揮同伯改指揮僉事
。刑科楊文岳一本

聖主虛懷事奉

聖旨覽奏以是非定功罪此是肅清政體之法崔呈

卷一百一十一

秀等自有獨斷屢旨已明該部知道

○河南道御史倪文煥被劾准養親

○吏部司官周良材被劾准回

○國子監陳一本

聖命新頒事奉

聖旨恩生背旨交結着法司作速追赃正罪違所奏
地仍還射圃改為官舍俱依

○太僕卿官生白太始被劾回

送吳孔嘉徵州人
乙丑科翰林院試錄
新政紀畧
卷一
奉

主

聖旨吳養春一案庄銀不無波累山債慮有強汎覽
奏准于庄內先減五萬兩昭朕德意仍行該撫案
從公查核無漏無奇遵先命確難全免准據實入
告之旨作速酌定回奏以凭裁奪

○工部尚書吳淳夫被劾准歸養

○嚴衛張體乾被劾准回籍○尚寶卿監生魏撫民
被劾准回

十月三十日

臣葉郭興言
河南滑陽人

○工科郭興言一本 權奸事

戶科工部副
都御史

聖旨誥命予奪原是勵世之大典加納例即停止工

部近來事類紛集該部會商具奏一應外解及事例銀兩仍照舊規赴節慎庫會議以便稽查大工費過錢糧着各監作速造清冊送科并巡視楊夢袞等一同銷算其木料補欠銀兩着照數給與勿得久壓以至因累

十一月初一日

逆葉降旨於浙江○工科陳維新朝綱已振衆鬱未伸懇乞

中
上諭人奏

聖明立除凶黨并陳時要以快輿情以光新政事參
新政紀畧

卷一

高

錦衣田爾耕腹心牙爪布滿中外于是羅織冤于
事件伺察密于塗炭告訐盡于商販一經捕捉慘
入冤中逮以不即死萬無生之路供招指援鉤棘
株連而自是斃多命以立枷付冠紳于西市該部
寺官平反無聞奉行唯命竟使三光無色冤魂晝
號士類安得不吞聲小民安得不重足乎昔漢文
帝首除肉刑禁一城父老扶携出聽以觀政化之
成故屏除酷吏乃今日新政輝煌之第一議也

奉

聖旨覽奏門戶澄沐雖嚴至有借題摧殘升補會推
題差處分者着九卿科道從公分別具奏定奪不
許濫及匪人田爾耕已有旨了

十一月初二日

送奉
賈華甫
南直
合於人丙
居科御史

○御史龍安萃肅一本 聖治維新事內參崔呈秀吳
淳夫田吉張凌雲陳大同等救徐州知州汪心淵
奉

聖旨崔呈秀已令廷臣會勘張凌雲陳大同已經處
分 汪心淵功罪行該撫按從公查核具奏魏忠賢
新政紀畧 卷一 五

田吉田爾耕俱有旨了該部知道

天監錄

○通政司呂圖南一本欽奉 聖旨事奉

聖旨覽進陸萬齡等及李映日等原疏猖狂僭逆非
所宜言該司守正駁寢具見定力李映日止于革
去衣巾不足盡其韋著并王承明徐行孫淮陽等
送法司同陸萬齡儲寓奇等嚴審擬罪具奏該部
知道

安伸天監錄進旨○御史安伸一本 聖主去佞事 奉

皆有名士平陽人
丁未科濟寧曹以

聖旨這本說崔呈秀罪狀多端着九卿科道官會勘

程特薦第道契具奏已有旨了內說不拜生祠反遭陷害的指名

小字少卿

出來

○江西道安伸奉 首入告事奉

聖旨狀如杞不拜生祠具見風節已有旨

○河南右參政兼提學僉事潘曾弘奏為微臣職司
風化敬陳風化本源入告

聖明仰祈睿斷事 一曰聞銅士詞臣陳子壯方達

年等科臣周之綱熊奮渭以時事發策陰置規諫
而名士艾南英諸人亦據實以對衡文者今一批
漸政紀畧 卷一

十六

坐以詐誘于是上言德政之風遍天下矣 一日
嚴貞訣司寇奉厥臣意肯疾于雷霆欲伐則伐欲
綾則綾欲斬則斬而

皇上屢下之明旨哀如充耳不媚窶之耿如杞兩次
恩詔不為昭雪一語 一日改溫祠國學社圓與
先帝隣可竝建祠乎央關壯繆無武穆而建祠致名
紳黃汝亨以一言而殞身若盡撤之不若易祀開
國之劉基宋濂有功社稷之于謙王守仁百折不
回幾死靡悔之方孝孺孫燧可也奉

聖旨這本所陳有裨風化李映日等着法司究問內外生祠通行拆毀變賣助邊有旨了開鋼士類陳于壯等該部科俱興酌議來說

○太學士黃立極等揭帖奉

聖旨覽奏卿等具見為國籌邊恢復封疆之意朕悉鑒知但師克在和事權貴一今督鎮諸臣意見參商各邊鎮守內臣一概撤回封疆事重其戰守機宜俱付督撫諸臣照朕知道了

十一月初三日

新政紀畧

卷一

追崇故宣傳直
元成人甲辰科內
閣學王孟祺前

。聞于監司業朱之後一本懸生罪狀等事奉

聖旨魏忠賢生祠在京在外已發未發的都着通行
拆毀變價助邊這建在國學尤屬無等即刻拆毀
不准存留別改

。兵部尚書田吉被劾准回

。戶科左給事李覺斯董題為元先既去眾正宜升
乞急用賢以襄盛治事薦原任兵部尚書王永光以
規諫不合排抑而去又如詞臣肖命官賀逢聖既
中虐焰携扶而去又如楊汝誠成劉重慶馬之驥

等亦以門戶處之甚為可憫至如典試諸臣以犯
忌諱而處者恐諱臣之終不服也奉

聖旨覽奏魏忠賢與元亮宜並行處的是疏稱王永
光等触忌遭抑着從公分別酌用具奏至廣錮以
門戶猶屬可矜并與議覆

三司李應詹
山東恩縣人

○太僕少卿李應薦奏為媚璫撫臣無益封疆據實
糾參以質公論事參原任順天巡撫今升薦遼總
督劉詔屢膝而叩喜容之前大冒而尾行邊之後
如原任遵化兵備耿如杞以不拜喜容中之致死
新改紀畧

胡士容以多周夫馬擬辟莫不知其為冤奉
聖旨劉詔新簡用不必苛求耿如杞着與查議胡士
容照本等罪過開釋

道素劉徵共直
清苑人內長科
應州上智少卿
○太僕寺少卿劉徵一本為朝政一清輿論協暢敬
勅萬堯仰裨萬年泰運事 一曰君德 二曰主

權 三曰王道 不宜分別門四曰人情
釋彙繫
充追贊

奉

聖旨覽奏諸款深得勵精治圖治之本于朕新政有裨
○撫甯侯朱國弼一本為遵恩詔直述臣冤伏乞

聖鑒以仲綸縛并糾賊臣罪狀以祈處分以光聖治事先固條陳魏忠賢罪狀革任罰俸三年逮臣僕并寫本人等下獄又革臣玉帶今罰俸三年已滿尚未開復 内言吏部員外周順昌等十二命之可憐知府劉鋗方景陽同日棄市之可憐 又如武進士同演戲文與孫文房等寸磔可憐 其死于雉經如蘇繼歐到任一月即解任削髮之徵州知府石萬程以致內容之逐縣尹新安之驅部臣實慕越國體之甚矣 奉

聖旨朱國弼俸帶卽與開復所論魏忠賢罪過多端
朕已洞悉已有旨了該部知道

○國子監朱之後一木龍飛文威事奉

聖旨國學解額着確查舊額來看其監生走班肆業
祖宗自有深意扣納准停止該部知道

○錦衣正堂田爾耕被劾准回

○尚書李養德巡撫朱童蒙少卿陳殷被劾回守制
○尚書李夔龍吏部司官周家椿張元芳被劾回

新政紀畧卷一終